



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1225/17
Vogošća, 10.08.2017. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.08.2017. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA REDOVNOM
LJETNOM, VANREDNOM I INVESTICIONOM ODRŽAVANJU LOKALNIH I
NEKATEGORISANIH PUTEVA NA PODRUČJU OPĆINE VOGOŠĆA PUTEM OTVORENOG
POSTUPKA**

Član 1.

Ponuda ponuđača "AME" d.o.o. Breza, ulica Branilaca grada bb Breza, odabrana je za izvođenje radova na redovnom ljetnom, vanrednom i investicionom održavanju lokalnih i nekategorisanih puteva na području općine Vogošća putem otvorenog postupka, sa ukupnom cijenom nabavke u iznosu od 2.674.884,30 KM bez PDV-a, odnosno 3.129.614,63 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik dana 21.06.2017. godine pokrenuo je Otvoreni postupak za izvođenje radova na redovnom ljetnom, vanrednom i investicionom održavanju lokalnih i nekategorisanih puteva na području općine Vogošća, koji je objavljen na Portalu javnih nabavki AJN BiH broj: 1353-1-3-58-3-22/17 dana 21.06.2017. godine i u Službenom glasniku BiH broj: 46/17.

Na prvoj sjednici Komisije za javne nabavke, prilikom otvaranja ponuda dana 07.08.2017. godine, Komisija je utvrdila da su pristigle 2 ponude i to:

- Ponuda ponuđača KJKP "RAD" d.o.o. Sarajevo, broj int. knjige 150/17 sa ponuđenom cijenom od 3.914.152,00 KM bez PDV-a i ponuđenim popustom od 19 %, što iznosi 3.170.463,20 KM bez PDV-a;
- Ponuda ponuđača "AME" d.o.o. Breza, broj int. knjige 151/17 sa ponuđenom cijenom od 2.675.884,30 KM bez PDV-a.

Na drugoj sjednici Komisije za javne nabavke dana 08.08.2017. godine, Komisija je pristupila analizi dokumentacije priložene uz ponude, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1225/17 iz juna 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

-da ponuda ponuđača KJKP "RAD" d.o.o. Sarajevo, ne ispunjava formalno pravne uslove iz Tenderske dokumentacije u smislu da:

Ponudbena garancija broj WD170801SH.43186 od 01.08.2017. godine, nije adekvatno zapakovana u skladu sa Pravilnikom o formi garancije za ozbiljnost ponude i izvršenje ugovora. Članom 3. predmetnog Pravilnika propisan je način dostavljanja garancije za ozbiljnost ponude tj. da se garancija dostavlja u originalu u zatvorenoj plastičnoj foliji. Garancija ponuđača KJKP "RAD" d.o.o. Sarajevo je dostavljena u plastičnoj foliji koja je na dnu potpuno otvorena, te se ista bez smetnji može izvaditi, odnosno u toku listanja ista ispada iz folije.

Takođe, prilozi uz upotrebne dozvole za valjke, iz kojih su vidljivi tehnički podatci-težina valjaka, nisu ovjereni od nadležne institucije i kao takvi su nevažeći.

Komisija je konstatovala da ponuda ponuđača "AME" d.o.o. Breza ispunjava formalno pravne uslove, odnosno zahtjeve Ugovornog organa tražene Tenderskom dokumentacijom, te se pristupilo računskoj provjeri dostavljene ponude. Nakon računске provjere utvrđeno je da postoji greška u konačnom zbiru ponude, te je Komisija aktom broj: 07-14-1225/17 od 08.08.2017. godine ponuđača "AME" d.o.o. Breza obavjestila o ispravci računске greške, te zatražila pismenu saglasnost na ispravku greške.

Ponuđač "AME" d.o.o. Breza svojim aktom broj: 44/17 od 10.08.2017. godine dao je saglasnost na ispravku računске greške, tako da umjesto ukupne cijene u iznosu od 2.675.884,30 KM bez PDV-a, ukupna cijena ponude iznosi 2.674.884,30 KM bez PDV-a.

Iz navedenih razloga, primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14) primjenom kriterija najniže cijene tehnički zadovoljavajuće ponude, Komisija je jednoglasno dala preporuku Općinskom načelniku da donese Odluku o izboru najpovoljnijeg ponuđača "AME" d.o.o. Breza, za izvođenje radova na redovnom ljetnom, vanrednom i investicionom održavanju lokalnih i nekategorisanih puteva na području općine Vogošća, sa ukupnom cijenom nabavke u iznosu od 2.674.884,30 KM bez PDV-a, odnosno 3.129.614,63 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "AME" d.o.o. Breza
2. KJKP "RAD" d.o.o. Sarajevo
3. Nadležnoj Službi
4. U dosije
5. a/a

032/783-936

033/643-966



OPĆINSKI NAČELNIK

EDIN SMAJIC